



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCLXXXI. ad annum MCCCXIV.

Parisiis, 1644

Epistola II. Gregorii Papae VIII. Ad Omnes Fideles. De ieiunio seruando ad placandum Deum offensum.

urn:nbn:de:hbz:466:1-15974

peccatis suis, de quibus rectam confessionem fecerint, impositæ satisfactionis relaxationem de omnipotentis Dei misericordia, & apostolorum Petri & Pauli auctoritate & nostra se nouerint habituros. Bona quoque ipsorum, ex quo crucem acceperint, cum suis familiis sub sanctæ Romanæ ecclesiæ, nec non & archiepiscoporum, & episcoporum, & aliorum prælatorum ecclesiæ Dei protectione consistant, & nullam de his quæ in susceptione crucis quiete possederunt, donec de ipsorum reditu vel obitu certissime cognoscatur, sustineant quæstionem, sed bona eorum integra interim maneant & quieta: ad dandas quoque vsuras, si tenentur alicui, non cogantur. Nec eant in vestibus preciosis, & cum canibus, siue auibus, aut aliis quæ ostentationi potius & lasciuiæ, quam necessariis videantur vsibus deseruire, sed in modesto apparatu, & habitu, in quo pœnitentiam potius agere quam inanem affectare gloriam videantur. Datum * Ferrariæ quarto Kalendas Nouembris, indictione † sexta.

* Apud
Nouem-
berm
habetur.
Datum
Ferrariæ.

† inchoata
videlicet.

EPISTOLA II.

GREGORII PAPÆ VIII.

AD OMNES FIDELES.

De ieiunio seruando ad placandum Deum offensum.

*Gregorius episcopus seruus seruorum Dei vniuersis Christi fidelibus, ad quos literæ istæ peruenerint, salutem
& apostolicam benedictionem.*

NVNQVAM melius superni Iudicis ira pacatur, quam cum ex mandato ipsius carnalia in nobis desideria extinguuntur. Proinde quia Hierosolymitanæ terræ discrimen, quod irruentibus Sarracenis nuper euenit, ex peccato maxime habitatorum terræ, & totius populi Christiani accidisse non dubitamus, nos de fratrum nostrorum communi consilio, multis episcopis approbantibus, statuimus vt omnes vsque ad quinquennium, saltem per omnes sextas ferias, in cibo quadragesimali ieiuent; & Missa, vbi cantanda fuerit, ad Nonam canteatur: quod ab aduentu Domini vsque ad natale Domini statuimus obseruandum: feria vero quarta & sabba-

Concil. Tom. 28.

C

to omnes indifferenter, qui bene valent, a carnibus abstineant. Nos autem & fratres nostri in secunda quoque feria nobis & familiis nostris esum carnis interdiximus, nisi forte aut infirmitas, aut magna solennitas, vel alia euidens causa visa fuerit impedire; sperantes quod sic nobis ignoscet Dominus, & relinquet post se benedictionem. Hoc igitur adeo statuimus obseruandum, vt quicumque transgressor extiterit, quasi præuaricator quadragesimalis ieiunii habeatur. Datum Ferrariæ quarto Kalendas Nouembris.

Hæc Gregorius. Qui eodem mense adiecit alias, quibus statuta literis Urbani papæ prædecessoris, etiam non obstante eius obitu, voluit suam habere firmitatem, & robur obtinere, quæ ab eodem Rogero in annalibus Anglicis descriptæ sic se habent:

EPISTOLA III.

GREGORII PAPÆ VIII.

AD OMNES PRÆLATOS ECCLESiarVM.

Pro iustitia facienda & litibus componendis.

Gregorius episcopus seruus seruorum Dei omnibus prælatis ecclesiarum, ad quos literæ istæ peruenerint, salutem & apostolicam benedictionem.

QVONIAM ad episcoporum maxime spectat officium afflictis & laborantibus subuenire, vnumque illorum, licet deficientibus meritis nostris, Deus esse nos voluit, prospicere tenemur & volumus, ne quis ex fortuitis casibus per Romanæ visitationem ecclesiæ laboris sui, quem ad eam veniendo sustinuit, debito frustraretur effectu. Inde siquidem fuit, quod nos multorum prospicere volentes expensis, & alleuare labores, de consueta sedis apostolicæ misericordia duximus statuendum, vt literæ prædecessoris nostri domini Urbani, a tribus mensibus ante ipsius obitum destinata pro facienda iustitia & litigijs dirimendis, quæ tamen manifestum alicuius præiudicium non contineant, aut calumniam æquitatis, eundem habeant tempore nostræ administrationis effectum, quem habere, si adhuc viueret, debuissent. Cessante